

Član 18.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-23117/03

29.10.2003. godine

Zenica

289.

Na osnovu člana 37. tačka h. Ustava Zeničko-dobojskog kantona ("Službene novine Federacije BiH", broj: 7/96 i "Službene novine Zeničko-dobojskog kantona", broj: 1/96 i 10/00), Skupština Zeničko-dobojskog kantona na XII sjednici održanoj dana 29.10.2003. godine, donosi

ZAKON O IZMJENAMA I DOPUNAMA ZAKONA O VODAMA ZENIČKO-DOBOJSKOG KANTONA

Član 1.

U članu 32. Zakona o vodama Zeničko-dobojskog kantona ("Službene novine Zeničko-dobojskog kantona", broj 8/00, u daljem tekstu: Zakon), dodaju se stavovi 2. i 3. koji glase:

"Korisnici seoske kanalizacije dužni su sklopiti Ugovor o zajedničkom korištenju objekata kanalizacije. Novi korisnici kanalizacije snose srazmjerni dio troškova izgradnje kanalizacije.

Korisnici seoske kanalizacije kod kojih se otpadne vode izljevaju u recipijent bez prethodnog taloženja, dužni su izvršiti rekonstrukciju završnog dijela kanalizacije i izgraditi taložne jame uz obavezu redovnog čišćenja".

Član 2.

U članu 37. u stavu 1, dodaju se tačke 9. i 10. koje glase:

"9. građenje individualnih objekata za stambene i druge namjene za koje urbanističku saglasnost izdaje općinski organ nadležan za poslove urbanizma;

10. građenje objekata za zaštitu od voda na svim vodotocima na području Kantona, izuzev slijedećih vodotoka: Bosna, Stavnja, Lašva, Ribnica, Trstionica, Krivaja, Gostović, Babina rijeka, Kočeva, Bistrička rijeka, Papratnica, Liješnica, Jablanica, i Usora".

Član 3.

Poglavlje IV. KONCESIJE NA VODAMA I JAVNOM VODNOM DOBRU i članovi 40, 41. i 42. brišu se.

Član 4.

U članu 82. dodaje se stav 6. koji glasi:

"Ako se rekonstrukcija vodovoda vrši u cilju povećanja količine vode troškove rekonstrukcije snose svi korisnici vodovoda, a novi korisnici snose dio troškova izgradnje i rekonstrukcije vodovoda".

Član 5.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-23196/03

29.10.2003. godine

Zenica

290.

Na osnovu člana 37. tačka h. Ustava Zeničko-dobojskog kantona ("Službene novine Federacije BiH", broj: 7/96 i "Službene novine Zeničko-dobojskog kantona", broj: 1/96 i 10/00), Skupština Zeničko-dobojskog kantona na XII sjednici održanoj dana 29.10.2003. godine, donosi

ZAKON O MUZEJSKOJ DJELATNOSTI

I - OSNOVNE ODREDBE**Član 1.**

Ovim zakonom uređuju se uslovi i način obavljanja muzejske djelatnosti od značaja za

Zeničko-dobojski kanton (u daljem tekstu: Kanton) i općine na području Kantona (u daljem tekstu: općina), osnivanje i način rada muzeja, nadzor nad zakonitošću rada muzeja i druga pitanja od značaja za muzejsku djelatnost.

Član 2.

Muzejska djelatnost je djelatnost od posebnog društvenog interesa za Kanton.

Član 3.

Muzejsku djelatnost obavlja muzej i galerija.

Za obavljanje muzejske djelatnosti može se oformiti muzejska zbirka.

Za vršenje izlagačke muzejske djelatnosti može se oformiti muzejska izložba.

Član 4.

Muzejska djelatnost obuhvata: prikupljanje, čuvanje i istraživanje kulturnih i prirodnih dobara, njihovu stručnu i naučnu obradu, čuvanje, zaštitu i prezentiranje muzejske građe, muzejske dokumentacije, muzejskih lokaliteta i nalazista, njihovo neposredno i posredno predočavanje javnosti putem stalnih i povremenih izložbi, te objavljivanje podataka i saznanja o muzejskoj građi i muzejskoj dokumentaciji putem stručnih,

naučnih časopisa i drugih sredstava informisanja.

Član 5.

Sredstva za osnivanje i rad muzeja, muzejske zbirke ili muzejske izložbe obezbjeđuje osnivač.

Vlada Kantona može donijeti odluku o pružanju finansijske pomoći muzejskim ustanovama.

II - MUZEJSKI MATERIJAL

Član 6.

Muzejski materijal obuhvata: proizvode prirode, proizvode ljudskog rada i duha, predmete, dokumente i druga svjedočanstva o pojavama i procesima u društvu, istorijskim zbivanjima, kulturnom, naučnom, političkom, ekonomskom i tehničkom razvoju, životu i običajima ljudskih zajednica, životu i djelu istaknutih ličnosti, kao i druge predmete koji svjedoče o razvoju prirode i društva od praistorije do danas.

Član 7.

Muzej pribavlja muzejski materijal prikupljanjem na terenu, iskopavanjem, kupovinom, razmjenom, poklonom i zavještanjem.

Ugovor o kupovini, razmjeni i poklonu muzejskog materijala sastavlja se u pismenoj formi.

Član 8.

Muzej vrši obradu muzejskog materijala stručno i uz primjenu savremenih naučnih metoda.

Član 9.

Zaštita i korištenje muzejskog materijala kao dobra kulturno-istorijskog naslijeđa, vrši se u skladu sa odredbama zakona kojim se uređuje zaštita kulturne baštine.

Član 10.

Istraživanje i prikupljanje muzejskog materijala na teritoriji Kantona može se vršiti samo u saradnji sa jednom od postojećih muzejskih ustanova na području Kantona.

Strano pravno ili fizičko lice može istraživati i prikupljati muzejski materijal na teritoriji Kantona, pod uslovom da se to istraživanje i prikupljanje obavlja u saradnji i pod nadzorom jedne od postojećih muzejskih ustanova na području Kantona, a na osnovu prethodno pribavljene saglasnosti od Kantonalnog ministarstva za obrazovanje, nauku, kulturu i sport (u daljem tekstu: Ministarstvo).

Član 11.

Muzejski materijal se može rashodovati samo ukoliko je izgubio muzejsku vrijednost.

Odluku o rashodovanju muzejskog materijala donosi

upravni odbor na prijedlog stručne komisije.

Stručnu komisiju za rashodovanje muzejskog materijala obrazuje Upravni odbor muzeja, u skladu sa pravilima muzeja.

III - MUZEJ

Član 12.

Muzej je ustanova u oblasti kulture za obavljanje muzejske djelatnosti u svim oblicima svojine.

Član 13.

Muzej:

- istražuje, prikuplja i obrađuje muzejski materijal
- čuva muzejski materijal od oštećenja, uništenja i nestajanja

- obezbjeđuje mjere zaštite muzejskog materijala, posebno za vrijeme ratnog stanja ili vanrednih prilika

- obezbjeđuje korištenje muzejskog materijala u kulturne, naučne, vaspitno-obrazovne i druge svrhe putem njegovog prezentiranja u okviru stalnih ili povremenih izložbi i na drugi način

- omogućava naučnim i stručnim radnicima proučavanje muzejskog materijala

- brine se o čuvanju i održavanju muzejskog materijala koji se nalazi van muzeja na području na kojem obavlja svoju djelatnost

- obavlja naučno istraživački rad u skladu sa zakonom
- objavljuje rezultate svog stručnog i naučnoistraživačkog rada putem vlastitih publikacija i na drugi način

- ostvaruje međukantonalnu, međuentitetsku i međunarodnu saradnju u oblasti muzejske djelatnosti

- obavlja i druge poslove utvrđene zakonom i pravilima muzeja.

Član 14.

Muzej može osnovati domaće i strano pravno i fizičko lice, na način propisan ovim zakonom.

Muzej mogu osnovati dva ili više osnivača, a u skladu sa ovim zakonom.

Ako muzej osniva dva ili više osnivača, njihova međusobna prava i obaveze se utvrđuju ugovorom.

Muzej kao javnu ustanovu mogu osnovati Skupština Kantona, odnosno općinsko vijeće ili u svojstvu suosnivača Skupština Kantona i općinsko vijeće.

Skupština Kantona može osnovati Kantonalni muzej. Kantonalni muzej je javna ustanova koja obavlja muzejsku djelatnost u javnom interesu Kantona.

Član 15.

Muzej može biti osnovan ako su, u skladu sa Normativima i standardima za muzejsku djelatnost, obezbijeđeni slijedeći uslovi:

- odgovarajući muzejski materijal
- odgovarajući prostor i oprema
- stručni muzejski radnici

Normative i standarde iz stava 1. ovog člana donosi ministar za obrazovanje, nauku, kulturu i sport (u daljem tekstu : ministar).

Blize uslove za osnivanje i rad muzeja iz stava 1. ovog člana utvrđuje ministar.

Upravljanje i rukovođenje muzejom

Upravni odbor

Član 16.

Organ upravljanja u muzeju je Upravni odbor.

Predsjednika i članove Upravnog odbora muzeja imenuje i razrješava osnivač.

Predsjednika i članove Upravnog odbora muzeja čiji je osnivač Skupština Kantona imenuje i razrješava Vlada Kantona u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Upravni odbor muzeja ima predsjednika i dva člana.

Predsjednik i članovi Upravnog odbora imenuju se na vrijeme od četiri godine i po isteku ovog vremena mogu biti ponovo imenovani.

Ako je osnivač muzeja fizičko lice ono ima pravo da neposredno upravlja muzejom.

Član 17.

Upravni odbor muzeja:

- donosi pravila muzeja
- utvrđuje program rada muzeja
- utvrđuje planove rada i razvoja
- usvaja godišnji izvještaj o radu muzeja na prijedlog direktora muzeja
- imenuje i razrješava direktora muzeja na osnovu provedenog konkursa, a uz saglasnost osnivača muzeja
- donosi finansijski plan i usvaja godišnji obračun
- donosi akt o unutrašnjoj organizaciji i sistematizaciji i ostala opšta akta
- usmjerava, kontrolise i ocjenjuje rad direktora
- odlučuje o prigovoru zaposlenih na rješenja kojima je drugi organ, određen pravilima muzeja, odlučio o pravu, obavezi i odgovornosti iz radnog odnosa u prvom stepenu
- podnosi osnivaču, najmanje jedanput godišnje, izvještaj o poslovanju muzeja

Direktor muzeja

Član 18.

Muzejom rukovodi direktor.

Za direktora muzeja može biti imenovano lice koje ima visoku stručnu spremu iz oblasti kojom se muzej bavi, najmanje 5 godina radnog iskustva, stručne, radne i organizacione sposobnosti, te je stručnjak u muzejskoj djelatnosti ili pak naučni ili kulturni radnik.

Direktora muzeja imenuje i razrješava Upravni odbor uz prethodnu saglasnost osnivača, odnosno suosnivača.

Saglasnost na imenovanje direktora muzeja čiji je osnivač Skupština Kantona daje Vlada Kantona.

Direktor muzeja imenuje se na četiri godine, na osnovu javnog konkursa a po isteku mandata može biti ponovo imenovan.

Upravni odbor ukoliko ne imenuje direktora, imenovat će vršioca dužnosti direktora na period do šest mjeseci.

Ukoliko je osnivač ustanove fizičko lice, odluke o izboru i imenovanju direktora, odnosno vršioca dužnosti direktora blize će se uređiti osnivačkim aktima.

Član 19.

Direktor može biti razrješena dužnosti i prije isteka vremena na koje je imenovan:

- na lični zahtjev
- ako se utvrdi da je odgovoran za neuspjeh ili nezakonit rad muzeja
- u drugim slučajevima utvrdjenim zakonom i pravilima muzeja.

Prijedlog za prijevremeno razrješene direktora iz razloga iz stava 1. alineja 2 ovog člana, može dati osnivač, predsjednik odnosno član Upravnog odbora ili Nadzorni odbor muzeja.

Postupak razrješene direktora uređuje se pravilima muzeja, u skladu sa zakonom.

Nadzorni odbor

Član 20.

Nadzorni odbor je organ kontrole poslovanja muzeja. Nadzorni odbor ima predsjednika i dva člana.

Predsjednika i članove Nadzornog odbora imenuje i razrješava osnivač.

Predsjednik i članovi Nadzornog odbora imenuju se na vrijeme od četiri godine i po isteku ovog vremena mogu biti ponovo imenovani.

Predsjednika i članove Nadzornog odbora muzeja čiji je osnivač Skupština Kantona imenuje Vlada Kantona u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Ukoliko je osnivač ustanove fizičko lice, odluke o izboru i imenovanju članova nadzornog odbora blize će se uređiti osnivačkim aktima.

Član 21.

Nadzorni odbor:

- analizira izvještaj o poslovanju muzeja
- obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun
- pregleda i provjerava urednost i zakonitost vođenja poslovnih knjiga
- izvještava osnivača, Upravni odbor i direktora najmanje jedanput godišnje o rezultatima nadzora.

Stručni organ muzeja

Član 22.

Stručni organ muzeja je stručni savjet, kao stručno

STRUČNI SAVJET

savjetodavno tijelo.

Stručni savjet muzeja raspravlja o svim stručnim pitanjima rada muzeja, daje mišljenje i prijedloge u vezi sa organizacijom rada, programom rada i razvojem muzejske djelatnosti, te obavlja i druge poslove u skladu sa pravilima muzeja.

Djelokrug rada, sastav i način imenovanja članova stručnog savjeta, prava, obaveze i odgovornosti, bliže se uređuje pravilima muzeja.

Član 23.

Stručne poslove muzejske djelatnosti obavljaju zaposlenici muzeja koji imaju odgovarajuću stručnu spremu i stručno zvanje.

Radni odnos u muzeju zasniva se sa zaposlenicima muzeja u skladu sa Zakonom o radu i ovim zakonom.

Izbor zaposlenika muzeja vrši se putem konkursa ili oglasa u skladu sa pravilnikom o unutrašnjoj organizaciji muzeja, pravilima muzeja i ovim zakonom.

Bliži propis o stručnim zvanjima, uslovima i načinu sticanja stručnih zvanja u muzejskoj djelatnosti donosi ministar.

Udruživanje muzeja

Član 24.

Muzeji se, radi obavljanja poslova od zajedničkog interesa, mogu udružiti u zajednicu muzeja.

Odluku o udruživanja iz prethodnog stava donosi osnivač.

Poslovi od zajedničkog interesa, međusobna prava i obaveze muzeja koji se udružuju u zajednicu muzeja uređuju se ugovorom.

Javnost rada muzeja

Član 25.

Muzej obavještava javnost o programima istraživanja, stalnim i povremenim izložbama i značajnim otkrićima, na način utvrđen pravilima muzeja.

Sredstva za rad muzeja

Član 26.

Sredstva za rad muzeja obezbjeđuju se od:

- osnivača
- prihoda ostvarenih djelatnošću muzeja
- naknada za obavljanje intelektualnih usluga, od naknada za rad od korisnika usluga, marketinga, iz legata, poklona, zavještanja, donacija pravnih i fizičkih lica i humanitarnih organizacija i drugih izvora, pod uslovima utvrđenim zakonom i aktom o osnivanju muzeja
- i dijelom iz Budžeta Kantona prema odluci Vlade.

Dokumentacija i evidencija muzeja

Član 27.

Muzej vodi slijedeće evidencije:

- ulaznu i izlaznu knjigu
- knjigu inventara
- knjigu poklona
- kartoteku i fototeku muzejskog materijala

Bliži propis o sadržaju i načinu vođenja evidencije iz stava 1. ovog člana donosi ministar.

Prestanak rada muzeja

Član 28.

Muzej prestaje s radom ako ne ispunjava uslove iz člana 15, ako po ocjeni osnivača nema više potrebe za njegovim radom ili ako osnivač utvrdi da ne obavlja djelatnost radi koje je osnovan i drugim slučajevima utvrđenim zakonom i aktom o osnivanju.

U slučaju prestanka rada muzeja osnivač muzeja će odrediti muzej ili drugo pravno lice koje će preuzeti muzejski materijal od muzeja koji prestaje sa radom i kome će biti predata imovina muzeja.

Muzejska zbirka, galerija i muzejska izložba

Član 29.

Pravno ili fizičko lice koje ima muzejski materijal može osnovati muzejsku zbirku, galeriju ili organizovati muzejsku izložbu.

Član 30.

Muzejska zbirka istražuje, prikuplja stručno i naučno obrađuje, čuva i prezentira muzejski materijal.

Muzejska izložba prezentira muzejski materijal koji se odnosi na određenu temu, period, djelatnost, događaj, instituciju ili ličnost.

Član 31.

Odrėdbe ovog zakona o osnivanju, obavljanju djelatnosti, organu upravljanja, nadzora i rukovođenja, stručnom organu muzeja, finansiranju muzeja kao javnih ustanova se primjenjuju na rad muzejskih zbirki i galerija.

Na muzejske zbirke i galerije, ako se osnivaju kao ustanove, pored odredbi ovog zakona, primjenjuju se i opšti propisi o ustanovama.

IV NADZOR

Član 32.

Nadzor nad zakonitosti rada muzeja, kao i nadzor nad provođenjem odredbi ovog zakona i propisa donesenih za njegovo provođenje vrši Ministarstvo za obrazovanje, nauku, kulturu i sport.

V KAZNENE ODREDBE**Član 33.**

Novčanom kaznom od 500 do 5.000 KM kazniće se za prekršaj muzej, ako:

1. ne vrši stručni nadzor nad istraživanjem i prikupljanjem muzejskog materijala koje obavlja strano pravno ili fizičko lice (član 10. stav 2)

2. rashoduje muzejski materijal suprotno odredbi člana 11. ovog zakona

3. ne vodi ulaznu knjigu i izlaznu knjigu, knjigu inventara, knjigu poklona, kartoteku i fototeku muzejskog materijala (član 27.)

Za prekršaj iz stava 1. ovog člana kazniće se i odgovorno lice u muzeju novčanom kaznom od 100 do 1.000 KM.

Novčanom kaznom od 500 do 5.000 KM kazniće se za prekršaj strano pravno i fizičko lice ako:

- otpočne istraživanje i prikupljanje muzejskog materijala na području Kantona, suprotno članu 10. stav 1. ovog zakona.

VI PRIJELAZNE I ZAVRŠNE ODREDBE**Član 34.**

Postojeći muzeji dužni su da:

- usklade svoju organizaciju, djelatnost i pravila muzeja sa odredbama ovog zakona, u roku od tri mjeseca od dana stupanja na snagu ovog zakona

- obezbijede uslove za trajno obavljanje djelatnosti utvrđene Normativima i standardima za muzejsku djelatnost, u roku od tri godine od dana stupanja na snagu ovog zakona.

Član 35.

Ministar će donijeti bliže propise iz člana 15. stav 2. i 3, člana 23. stav 4. i član 27. stav 2. ovog zakona, u roku od dva mjeseca od dana stupanja na snagu ovog zakona.

Do donošenja propisa iz prethodnog stava, primjenjivat će se, ukoliko nisu u suprotnosti sa ovim zakonom, odredbe:

- Pravilnika o uslovima za osnivanje i početak obavljanja djelatnosti muzeja i galerija ("Sl. list RBiH", br. 2/94.)

- Pravilnika o stručnim zvanjima, uslovima i načinu sticanja stručnog zvanja u muzejskoj djelatnosti ("Službeni list RBiH", 2/94.)

- Pravilnika o sadržaju i načinu vođenja ulazne i izlazne knjige, knjige inventara, knjige poklona, kartoteké i fototeke muzejskog materijala ("Službeni list RBiH", broj 7/95.).

Član 36.

Danom stupanja na snagu ovog zakona na području

Kantona prestaje primjena Zakona o muzejskoj djelatnosti ("Službeni list RBiH", broj 13/93, 20/93 i 13/94.).

Član 37.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-23112/03

29.10.2003. godine

Zenica

PREDSEDAVAJUĆI

Husejin Smajlović, s.r.

291.

Na osnovu poglavlja V, odjeljka A, člana 37. stav 1. tačke h) Ustava Zeničko-dobojskog kantona ("Sl. novine Federacije BiH", broj: 7/96 i "Službene novine Zeničko-dobojskog kantona" broj: 1/96 i 10/00), Skupština Zeničko-dobojskog kantona, na XII. sjednici održanoj dana 29.10.2003. godine, donosi

ZAKON**O PLAĆAMA I NAKNADAMA RUKOVODITELJA IZVRŠNIH ORGANA VLASTI****Član 1.**

Ovim Zakonom uređuju se uslovi i način ostvarivanja plaća i drugih novčanih primanja iz radnog odnosa:

1. premijera Zeničko-dobojskog kantona (u daljem tekstu: Kantona)
2. ministra,
3. direktora Agencije za privatizaciju Zeničko-dobojskog kantona.

Član 2.

Plaće rukovodilaca izvršnih organa vlasti iz prethodnog člana utvrđuju se određivanjem koeficijenta i njihovim množenjem s osnovicom za plaću.

Član 3.

Koeficijente za plaću rukovodilaca izvršnih organa vlasti iz člana 1. ovog Zakona određuje Vlada Zeničko-dobojskog kantona.

Član 4.

Osnovicu za plaću utvrđuje Vlada Kantona, na prijedlog ministra finansija, a u skladu sa Zakonom.

Član 5.

Rukovodiocima izvršnih organa vlasti iz člana 1. ovog Zakona pripada pravo na položajni dodatak.

Položajni dodatak premijera Kantona i članova